



ჩვენნი სოფელი

სოფლის მეურნეობის სამინისტროს ყოველთვიური გამოცემა

ნოემბერი/2015 ■ N2



ნომერშია:



ინტერვიუ საქართველოში ევროკავშირის ელჩთან, იანოშ ჰერმანთან

გვ. 2



„ნარინჯისფერი რთვალი“

გვ. 3



ოთარ დანელიამ IFAD-ის პრეზიდენტს, კანიო ჰანუქას უმასპინძლა

გვ. 4



სურსათის ეროვნული სააგენტოს პრიორიტაბი მომხმარებლის ინტერესების დაცვა

გვ. 5

ინტერვიუ სურსათის ეროვნული სააგენტოს უფროსთან, ზაზა დოლიძესთან



ნონა ქოჩაშვილი - შპს „მეჩანისბატონის“ კომპანიური



ფეიჭოას აბრთბაქროლოგია

გვ. 7



გვ. 8





იანოშ ჰერმანი: მდგომარეობა უკეთესობისკენ იცვლება

ინტერვიუ საქართველოში ევროკავშირის ელჩთან, იანოშ ჰერმანთან

2013 წლიდან საქართველოში მიმდინარეობს, ევროპის სამეზობლო ხუთწლიანი პროგრამა სოფლისა და სოფლის მეურნეობის განვითარებისთვის (ENPARD), რომელიც ამ სფეროს გამოცდებს ემსახურება. ევროკავშირის მიერ დაფინანსებული პროგრამის ბიუჯეტი 52 მლნ ევროს შეადგენს, რომლის გავრცობაც დამატებითი თანხებით იგეგმება. ENPARD-ის პროგრამის ფარგლებში სოფლის მეურნეობის სამინისტრომ წინასწარ განსაზღვრული ვალდებულებები შეასრულა, რისთვისაც ევროკავშირისგან 8 მლნ ევროს ფინანსური მხარდაჭერა მიიღო.

- რა სახით გაეწევა მონიტორინგი 8 მლნ ევროს საბიუჯეტო დახმარებას? მიღწეულია თუ არა შეთანხმება ევროკავშირისა და მთავრობას შორის საერთო სამოქმედო გეგმის შესახებ ამ თანხის განკარგვასთან დაკავშირებით?

- საქართველოში სოფლის მეურნეობის სფეროში მიმდინარე მოვლენებს ყურადღებით ვადევნებთ თვალყურს. ENPARD-ის პროგრამის ფარგლებში ჩვენ მუდმივად გვყავს ადგილებზე სოფლის მეურნეობის სფეროს როგორც უცხოელი, ასევე ადგილობრივი ექსპერტები, რომლებიც სოფლის მეურნეობის სამინისტროსთან მუშაობენ გავრცელების სურსათისა და სოფლის მეურნეობის ორგანიზაციის ეგიდით. ეს გუნდი სამინისტროს მუდმივად აწვდის რჩევებსა და ექსპერტიზის პასუხებს.

ყოველდღიური მხარდაჭერის გარდა, რეგულარულად ჩამოგვყავს უცხოელ ექსპერტთა მისია მდგომარეობის შესაფასებლად - ისინი გადიან კონკრეტულ ლოკაციებზე, ხვდებიან ფერმერებს, სამინისტროს თანამშრომლებს და ამ სექტორში ჩართულ ადამიანებს. რაც შეეხება სულ ახლახან განხორციელებულ საბიუჯეტო დახმარებას, საქართველომ ყველა პუნქტი გადაჭარბებით შეასრულა. მაგალითად, ადგილობრივ ფერმერთა 34 საკონსულტაციო ცენტრის ნაცვლად შეიქმნა 54 ცენტრი, სადაც, სოფლის მეურნეობის სამინისტროს ძალისხმევით, ყოველდღიურად 300-ზე მეტი ექსპერტი მუშაობს. ისინი ყოველდღიურად უზიარებენ ფერმერებს გამოცდილებას და ინფორმაციას აწვდიან სოფლის მეურნეობის სფეროში არსებული სიახლეების შესახებ. მსგავსი სისტემა მანამდე საქართველოში არ არსებობდა.

2016 წელს, 6,5 მლნ ევროს ტრანშის მისაღებად არსებობს პირობები, რომელიც საქართველომ უნდა

შეასრულოს. მაგალითისთვის: პირობა მოიცავს მთავრობის მიერ საბიუჯეტო სახსრების გამოყოფას ფერმერული კოოპერატივების მხარდასაჭერად, აგრეთვე საკონსულტაციო ცენტრების კიდევ უფრო განვითარებას.

- ყოველივეს გათვალისწინებით, რამდენად წარმატებული შეიძლება იყოს სოფლის მეურნეობა საქართველოში და რა ეტაპზე ვართ?

- სამწუხაროდ, საქართველოს სოფლის მეურნეობა არასახარბიელო მდგომარეობაშია. მოსავლიანობა ძალიან დაბალია, ფერმერთა შემოსავალი კი მწირი. კვლავაც პრობლემურია საკითხი მიწის რეგისტრაცია, ფერმერების უმეტესობისთვის კვლავაც ხელმიუწვდომელია სათანადო სათესლე მასალები და მიწის გამანოყიერებელი საშუალებები. ამ სფეროს საწყისი პოზიციები ENPARD-ის პროგრამის დაწყებისას ნამდვილად რთული გახლდათ. ნაყოფიერი ქართული სოფლები უმეტესწილად წლობით უყურადღებოდ იყო დარჩენილი. სოფლის მეურნეობის სფეროს, სხვა დარგებთან შედარებით, ცვლილებებისთვის მეტი დრო სჭირდება. ვერც სწრაფი გამოსავალი მოიძებნება. წლები, შესაძლოა, ათწლეულებიც დასჭირდეს მის გაჯანსაღებას. წინ უდიდესი ამოცანაა, რომელიც სოფლის მეურნეობაში პოლიტიკის უწყვეტად და სწორხაზოვნად წარმართვას მოითხოვს, ისევე როგორც დიალოგს ფერმერთან, რადგან მათი აზრი გახლავთ უტყუარი მაჩვენებელი იმისა, თუ როგორ ხორციელდება პოლიტიკა პრაქტიკაში.

მაგრამ არსებობს საწყისი, იმედისმომცემი ნიშნები და მდგომარეობა უკეთესობისკენ იცვლება. 2014 წელს სოფლის მეურნეობის პროდუქტების შთამბეჭდავი 10%-იანი ზრდა აღინიშნა. მთავრობა სწორი მიმართულებით მიდის და ეს არის გადამწყვეტი. აქვე დავამატებ, რომ ევროკავშირი ძალიან ეხმარება მას წარმატების მიღწევაში.

- სოფლის მეურნეობის პროდუქციის კუთხით რას შეიძლება მიენიჭოს პრიორიტეტი? როგორია ევროპული ქვეყნების გამოცდილება ამ მიმართულებით?

- მეტი ინვესტირება და ცვლილებები მთლიანად სფეროს სჭირდება და აქ მხოლოდ ერთი მიმართულების გამოყოფა არ იქნებოდა მართებული. იმაზე საჭირო ფიქრი, თუ რა საჭიროებების წინაშე დგანან ზოგადად ფერმერები, რა უშლით ხელს მოსავლიანობის ზრდაში. ყოველ ქართველ ფერმერს სჭირდება ეფექტიანი

კონტროლის მექანიზმი ვეტერინარიისა და პესტიციდების კუთხით. თითოეულ მათგანს უნდა ჰქონდეს მუსტი ინფორმაცია საბაზრო ფასებზე.

რაც შეეხება პროდუქციას, გადამწყვეტი მნიშვნელობა გასაღების ბაზარს აქვს. არსებობს ორი უმთავრესი შეკითხვა: რა პროდუქციაზე ბაზარზე მოთხოვნა და რა პროდუქციის წარმოებისას აქვს ქართველ ფერმერს უპირატესობა? პასუხი ნათელია - საუკეთესო და ყველაზე ხელმისაწვდომი სივრცე საქართველოს შიდა ბაზარი გახლავთ. თქვენ უცხოეთიდან შემოგაქვთ ძირითადი პროდუქცია: ხილი, ბოსტნეული, ამ ყველაფრის მოყვანა კი აქვე შეიძლება.

- რას გვეტყვი ქართულ რთველსა და ღვინოზე?

- რთველი და ქართული ღვინო ძალიან მომწონს, მაგრამ ჩემს პირად აზრს ამ შემთხვევაში დიდი მნიშვნელობა არ აქვს. კონკრეტულ ბაზარზე პროდუქციის მომხმარებლის გემოვნების დაკმაყოფილება ამკვიდრებს, მომხმარებელს კი სხვადასხვა ადგილას განსხვავებული გემოვნება აქვს, განსაკუთრებით ღვინოსთან დაკავშირებით. ამიტომ ზოგჯერ ბაზარზე თავის დასამკვიდრებლად საუკეთესო გზა მომხმარებლისთვის იმის მინოდებაა, რაც მას უკვე მოსწონს.

- სად ხედავთ ყველაზე დიდ გამოწვევებს?

- თუ ერთი კონკრეტული გამოწვევის დასახელებას მთხოვთ, მცირე მიწების პრობლემას გამოვყოფდი. ფერმერების უმეტესობა აქ ფლობს 1 ჰა-ზე ცოტა მეტ ნაკვეთს, სამწუხაროდ, ისიც შორი-შორსაა მიმოფანტული. სოფლის მეურნეობა, ნებისმიერი სხვა ბიზნესის მსგავსად, კონკრეტულ ეკონომიკურ გათვლებს მოითხოვს. თუ ფერმერი მუდმივად ვერ აწარმოებს პროდუქციას ერთი და იმავე მოცულობით, თანამედროვე ბაზარზე თავს ვერ დაიმკვიდრებს და იძულებული იქნება, საკუთარი პროდუქცია სემონურად, მინიმალურ ფასად და მხოლოდ ადგილობრივ ბაზარზე გაყიდოს. ამ შემთხვევაში ფერმერი უდიდესი რისკების წინაშე სრულიად მარტოა და წარმოებისას უამრავი სირთულე ელოდება, იქნება ეს კრედიტის თუ ტექნიკური საშუალებების ხელმისაწვდომობა; ხოლო, როცა წარმოება გამსხვილებულია, რისკებთან გამკლავებაც იოლდება, საჭირო ტექნიკის გამოყენებაც უფრო ადვილია და შესაძლებელი ხდება მეტი და უკეთესი პროდუქციის წარმოება ნაკლები დანახარჯებით. ამიტომაც ბევრ ქვეყანაში მცირე ფერმერები კოოპერატივებს ქმნიან, ხშირად არაერთს, სხვადასხვა მიზნისთვის. ეს მათ ეხმარება ისეთი პრობლემის მოგვარებაში, როგორცაა მარკეტინგი, შემნახველი მეურნეობები, ტექნიკა-დანადგარებზე წვდომა... სწორედ ეს არის ძირითადი მიზეზი, რის გამოც ჩვენ, ევროკავშირი, ასე აქტიურად ვუჭერთ მხარს თანამედროვე, ბიზნესზე ორიენტირებულ კოოპერატივებს საქართველოში. კოოპერაცია არის გონივრული გზა, რომლის მეშვეობითაც მცირე ფერმერების პროდუქცია ბაზარზე გავა და მათი შემოსავლებიც გაიზრდება. ამ გზით შესაძლებელია არა მხოლოდ სოფლის მეურნეობის სფეროს განვითარება, არამედ სიღარიბის დამარცხება. საქართველოში დაახლოებით 10 ათასამდე ფერმერი არის ბიზნესზე ორიენტირებული კოოპერატივის წევრი. მჯერა, რომ ეს ძალიან მნიშვნელოვანი მიღწევაა.

- სოფლის მეურნეობის სფეროში თქვენი გამოცდილებით რა რეკომენდაციები გექნებათ?

- წარმოშობით უნგრეთიდან ვარ, მაგრამ დიდი ხანია მის საზღვრებს გარეთ ვცხოვრობ. ნაკვეთი არ მაქვს, მაგრამ მიყვარს მეზაღობა. ჩემი ქვეყანა საუკუნეების მანძილზე მისდევს სოფლის მეურნეობას და პროდუქტების ექსპორტსაც წარმატებით ეწევა. 1990-იან წლებში საბაზრო რეფორმებმა, მიწის პრივატიზაციამ და გლობალურმა კომუნიკაციამ ისინი რთული გამოწვევების წინაშე დააყენა. თუმცა, ეს წარსულს ჩაჰბარდა და ჩვენი ურყევი კურსის ცვლილებების დასაწინააღმდეგოდა ევროკავშირის დახმარებით. ზოგიერთმა ქვეყანამ უკეთ გაართვა თავი ამ გამოწვევებს, მაგალითად, პოლონეთმა, ესპანეთმა, ბალტიის ქვეყნებმა, სხვებმაც. საქართველო მოგვიანებით შეუერთდა ამ პროცესს, მაგრამ ყველაფერს აქვს დადებითი მხარე. თქვენ ამაჟამად შესაძლებლობა გაქვთ დაასკვნათ, რამ იშუაზე ყველაზე კარგად და რამ არ გაამართლა სხვა ქვეყნებში, რომლებიც სულ რამდენიმე წლის წინ ისეთივე პრობლემების წინაშე იდგნენ, რომელთა გადამწყვეტაც თქვენ ახლა გინევთ.



საქართველოს მთავრობის ხელშეწყობით, სოფლის მეურნეობის სამინისტრო და სოფლის მეურნეობის პროექტების მართვის სააგენტო სამრეწველო გადამამუშავების განვითარების მანდარინის რეალიზაციის ხელშეწყობის ღონისძიებას ახორციელებს.

კომპანიები, რომლებიც 1 კგ სამრეწველო გადამამუშავებისთვის განკუთვნილ მანდარინს არანაკლებ 0.20 ლარად შეისყიდებიან, სოფლის მეურნეობის პროექტების მართვის სააგენტოსგან 1 კგ მანდარინზე 0.10 ლარის ოდენობის სუბსიდიას მიიღებენ.

სამრეწველო გადამამუშავებისთვის განკუთვნილი მანდარინის შესყიდვის შემთხვევაში, კომპანიებს საშუალება აქვთ შეღავათიანი აგროკრედიტის პროექტის საბრუნავი კომპონენტის ფარგლებში აიღონ კრედიტი, რომლის

პროცენტის თანადაფინანსებას სოფლის მეურნეობის პროექტების მართვის სააგენტო განახორციელებს.

მანდარინის რეალიზაციის ხელშეწყობის პროგრამის ბიუჯეტი 2 000 000 ლარია. სახელმწიფო პროგრამა 2016 წლის პირველ თებერვლამდე გაგრძელდება.

სამრეწველო გადამამუშავებისთვის განკუთვნილი მანდარინის რეალიზაციის ხელშეწყობ პროგრამაში სამი კომპანია - „Georgian Industrial Asset Management Group“, „TCF GEORGIA“, „GEO-FLOWER“ - მონაწილეობს.

„ნარინჯისფერი რთველის“ ორგანიზებულად ჩატარების მიზნით, ქალაქ ბათუმში გახსნილია შტაბი (მისამართი: ბაქოს ქუჩა N46 ა). ცხელი ხაზი ფუნქციონირებს დილის 9 საათიდან საღამოს 9 საათამდე. დაინტერესებულ პირებს შესაძლებლობა აქვთ დარეკონ და მიიღონ სასურველი ინფორმაცია.

სამრეწველო გადამამუშავებისთვის განკუთვნილი მანდარინის რეალიზაციის ხელშეწყობის ღონისძიება 2014 წელსაც განხორციელდა. 2014 წელს პროექტის ბიუჯეტმა 2,000,000 ლარი შეადგინა. პროექტის ფარგლებში შესყიდული არასტანდარტული მანდარინის რაოდენობამ შეადგინა 10,358 ტონა. სუბსიდიის თანხამ კი, 1,035,810 ლარი.

„გაიხსნა საკოორდინაციო შტაბი, რომელიც სრულ მზადყოფნაშია მოსახლეობას მოემსახუროს. შეუფერხებელი მუშაობისთვის და სწრაფი რეაგირებისთვის ამოქმედდება ცხელი ხაზიც. შარშანდელთან შედარებით, წელს მანდარინის მოსავალი გაზრდილია. იმედი გვაქვს, რომ წლევანდელი ციტრუსის სემონი წარმატებული იქნება. მოსახლეობას არც მოსავლის რეალიზაციის და არც სამრეწველო გადამამუშავების ციტრუსის ჩაბარების პრობლემა არ ექნება. სოფლის მეურნეობის სამინისტროს აქტიური მუშაობის შედეგად, წელს ახალი ექსპორტიორი კომპანიების, საექსპორტო მარშრუტების და საბორნე გადაზიდვების დამატება გახდა შესაძლებელი. მნიშვნელოვნად შემცირებულია ტრანსპორტირების ღირებულებები. ექსპორტიორებს შეუძლიათ ისარგებლონ შეღავათიანი აგროკრედიტით, რომელიც სახელმწიფოსგან 50%-იანი გარანტიით იქნება გამყარებული“, - აღნიშნა ოთარ დანელიამ.

მიმდინარე წლის ციტრუსის სემონზე იმუშავებს ციტრუსის შემფუთავი 30-მდე საწარმო, სადაც პლასტმასის, მუყაოსა და შპონის (ხის) ტარაში პროდუქციის შეფუთვა, პალეტებად შეკვრა და ექსპორტირებისთვის მომზადება მოხდება.

მანდარინის წარმოების საინვესტიციო შესაძლებლობები

მანდარინი საქართველოს აგრობიზნესის ერთ-ერთ მნიშვნელოვან კულტურას წარმოადგენს, რომლის საექსპორტო პოტენციალის გაზრდის მიზნით, აუცილებელია კონკურენტუნარიანობის ამაღლება და ადგილობრივი ასორტიმენტის გაუმჯობესება.


ქვეყანაში მანდარინის წარმოების ხელშეწყობისთვის განსაკუთრებული მნიშვნელობა ენიჭება ადრეული სიმწიფის, ყინვაგამძლე, მაღალპროდუქტიული ჯიშების გავრცელებას, რაც საშუალებას მოგვცემს მივიღოთ ხარისხიანი და კონკურენტუნარიანი ნაყოფი.

საქართველოში მანდარინის მწარმოებელი რეგიონებია: აჭარა, გურია და სამეგრელო.


საინვესტიციო შესაძლებლობები

- ახალი ჯიშების წერგების წარმოება
- წარმოების საშუალებების მიწოდება (მცენარეთა დაცვის საშუალებები, სასუქები და სხვა)
- ტექნოლოგიებისა და მონყობილობების მიწოდება კლიმატკონტროლირებადი სასაწყობო მეურნეობებისთვის
- სასოფლო-სამეურნეო მანქანა-დანადგარებისა და ხელსაწყოების მიწოდება
- გადამამუშავებელი მონყობილობებისა და ტექნოლოგიების მიწოდება

წარმოება წლების მიხედვით (ტონა)




წარმოება რეგიონების მიხედვით



- სატვირთო გადაზიდვების მომსახურების მიწოდება, რომელიც აღჭურვილია კლიმატკონტროლირებადი სისტემებით
- მანდარინის ინტენსიური ბაღების გაშენება
- პროდუქციის შენახვისთვის მომსახურების მიწოდება, რომელიც აღჭურვილია კლიმატკონტროლირებადი სისტემებით
- დამატებითი ღირებულების შესაქმნელად მომსახურების მიწოდება
- პირველადი და გადამამუშავებული პროდუქციისთვის შესაფუთი მასალების წარმოება (ყუთები, ქილები და სხვა)

ძირითადი სავაჭრო პარტნიორები




ბაზრები

ღარგვის და მოსავლის აღების პერიოდები


თვეები	I	II	III	IV	V	VI	VII	VIII	IX	X	XI	XII
ღარგვა												
მოსავლის აღება												

ექსპორტი თვეების მიხედვით (1000 აშშ დოლარი)




წყარო: საქსტატი

ექსპორტი-იზორტი წლების მიხედვით (1000 აშშ დოლარი)



წყარო: საქსტატი

საგალო სავაჭრო ფასები თვეების მიხედვით - 2014 (ლარი/კგ)



წყარო: საქსტატი

ფინანსური მაჩვენებლები*	
ფართობი (ბაღი)	13კ
საწყისი საინვესტიციო კაპიტალი	13 390 ლარი
უკუგების პერიოდი	მე-7 წელი
IRR (8 წელი)	11%

* მაჩვენებლები ეყრდნობა პირობით გათვლებს და გაანგარიშებულია 2015 წლის იანვარ-თებერვალში არსებული მონაცემების საფუძველზე

კანიაო ვანუემ: „2016 წლიდან საქართველოში IFAD-ის ინვესტიციები 30 %-ით გაიზარდება“



2015 წლის 9-11 ნოემბერს, სოფლის მეურნეობის მინისტრმა, ოთარ დანელიამ სოფლის მეურნეობის განვითარების საერთაშორისო ფონდის (IFAD) პრეზიდენტს, კანიაო ვანუემს უმასპინძლა. აღსანიშნავია, რომ ფონდის პრეზიდენტი ამიერკავკასიის რეგიონში და, შესაბამისად, საქართველოში პირველად იმყოფებოდა.

სოფლის მეურნეობის განვითარების საერთაშორისო ფონდი, რომელიც საქართველოში 1997 წლიდან საქმიანობს, ერთ-ერთი მნიშვნელოვანი დონორია საქართველოს სოფლის მეურნეობის სისტემაში. დღეისათვის ფონდს განხორციელებული აქვს 4 პროექტი, საერთო ღირებულებით 120 მლნ აშშ დოლარი.

ამჟამად, ფონდი ახალ ოთხწლიან პროექტს - „სოფლის მეურნეობის მოდერნიზაციის, ბაზრებზე წვდომისა და მდგრადობის პროექტი“ - აფინანსებს, საერთო თანხით 19 მლნ აშშ დოლარი. პროექტის მიზანი სოფლად მოსახლეობის შემოსავლების ზრდაა. პროექტი სასოფლო-სამეურნეო პროდუქციის წარმოება/გადამუშავება/რეალიზაციის მთლიანი ჯაჭვის ხელშეწყობას ითვალისწინებს.

ვიზიტის ფარგლებში პირისპირ შეხვედრა გაიმართა სოფლის მეურნეობის განვითარების საერთაშორისო ფონდის პრეზიდენტსა და სოფლის მეურნეობის მინისტრს შორის.

სამინისტროში გამართული შეხვედრების დასრულების შემდეგ, სოფლის მეურნეობის მინისტრმა, ოთარ დანელიამ და IFAD-ის პრეზიდენტმა, კანიაო ვანუემ ერთობლივი პრესკონფერენცია გამართეს.

პრესკონფერენციაზე ოთარ დანელიამ ხაზგასმით აღნიშნა IFAD-ის პრეზიდენტის სტუმრობის განსაკუთრებული მნიშვნელობა და განმარტა, რომ აღნიშნული ვიზიტი საქართველოს სოფლის მეურნეობის სექტორის მხარდაჭერას ემსახურება.

„სოფლის მეურნეობის განვითარების საერთაშორისო ფონდი საქართველოში წლების განმავლობაში ახორციელებს მნიშვნელოვან პროგრამებს და სასოფლო-სამეურნეო სექტორის განვითარებაში დიდი წვლილი აქვს შეტანილი. IFAD-ის დახმარებით განხორციელდა სამელიორაციო, სოფლის მეურნეობის ხელშეწყობის და სოფლად სიღარიბის დაძლევის პროგრამები. მომავალში ფონდისგან დიდი ფინანსური თანადგომა გვექნება და თანამშრომლობა უფრო ინტენსიური გახდება“, - განაცხადა ოთარ დანელიამ.

სოფლის მეურნეობის განვითარების საერთაშორისო ფონდის პრეზიდენტმა აღნიშნა, რომ ვიზიტი ფონდის მიერ განხორციელებული პროექტების მიმდინარეობის ადგილზე გაცნობასა და IFAD-ს მხარდაჭერით სამომავლო პროექტების განხილვას ემსახურება.

„ჩვენ საქართველოში 1997 წლიდან ვახორციელებთ ინვესტიციას. მისასალმებელია, რომ ამჟამინდელმა მთავრობამ სოფლის მეურნეობა პრიორიტეტულ დარგად გამოაცხადა. რაც ხელს უწყობს სექტორის სწრაფ და ეფექტიან განვითარებას. ჩვენმა ერთობლივმა მუშაობამ კონკრეტული შედეგები მოიტანა: რეაბილიტაცია ჩაუტარდა 63 კმ სიგრძის საირიგაციო არხს. რეაბილიტაციის შედეგად დამატებით გასარწყავიანდა დაახლოებით 11 000 ჰა ფართობი, გაძლიერდა სახელმწიფო ინსტიტუტები, მათ შორის სურსათის ეროვნული სააგენტო; გაიზარდა ფერმერების შემოსავალი; სასოფლო-სამეურნეო პროდუქციის წარმოება/გადამუშავება/რეალიზაციის მთლიანი ჯაჭვის ხელშეწყობა, და განხორციელდა კლიმატკონიერული სოფლის მეურნეობის ხელშეწყობის პროგრამა. ჩვენ მომავალშიც გავაგრძელებთ სოფლად მცხოვრები მოსახლეობის მხარდაჭერას. **მინდა დადებითად შევაფასო მთავრობის მუშაობა პროექტების განხორციელების კუთხით. ვფიქრობ, საქართველოში ჩვენი ინვესტიციების განხორციელების ხარისხი ნამ-**

დვილად წარმატებული თანამშრომლობის მაგალითია“, - აღნიშნა IFAD პრეზიდენტმა, კანიაო ვანუემ.

ვიზიტის ფარგლებში, სოფლის მეურნეობის განვითარების საერთაშორისო ფონდის (IFAD) პრეზიდენტი სამინისტროს სისტემაში შემაჯავლი უწყებების: სურსათის ეროვნული სააგენტოს, სოფლის მეურნეობის სამეცნიერო-კვლევითი ცენტრის, ღვინის ეროვნული სააგენტოს და სოფლის მეურნეობის სამინისტროს ლაბორატორიის ოფისები დაათვალიერა და აღნიშნული უწყებების საქმიანობებს ადგილზე გაეცნო.

კანიაო ვანუემ, ოფიციალური დელეგაციის წევრებთან ერთად, ჭილაურას ვაზისა და ხეხილის წარმოების ეროვნული ცენტრიც დაათვალიერა.

კვლევითი ცენტრის დათვალიერების შემდეგ, სოფლის მეურნეობის განვითარების საერთაშორისო ფონდის პრეზიდენტმა, კანიაო ვანუემ მცხეთის მუნიციპალიტეტში - ბულაჩაურში, წიკლანსა და ძალისში IFAD-ის მიერ დაფინანსებული სამელიორაციო სისტემის აღდგენილი სათავე-ნაგებობები და სარწყავი არხები მოინახულა. განხორციელებული პროექტით წყალუმრუნველყოფილი გახდა 4 912 ჰექტარი სასოფლო-სამეურნეო მიწის ფართობი. პროექტის ღირებულებამ 5 873 750 ლარი შეადგინა. შპს „საქართველოს მელიორაციის“ გენერალურმა დირექტორმა, ლევან დვალმა IFAD-ის პრეზიდენტს საქართველოში ფონდის დაფინანსების ფარგლებში განხორციელებული და მიმდინარე პროექტების შესახებ ინფორმაცია მიაწოდა.

კანიაო ვანუემ ადგილობრივ მოსახლეობასაც შეხვდა და სარწყავი სისტემის რეაბილიტაციით მიღებულ პოზიტიურ შედეგების შესახებ მოისმინა ინფორმაცია.

„საინტერესო და ნაყოფიერი იყო ჩემი ვიზიტი რეგიონში. მცირემიწიანი ფერმერების ხელშეწყობისა და მენარმეობის განვითარების კუთხით საქართველომ მნიშვნელოვან პროგრესს მიაღწია. მისასალმებელია IFAD-ისა და საქართველოს პარტიორული ურთიერთობების კონტექსტში დარგის განვითარების მიზნით განხორციელებული წინსვლა. მინდა აღვნიშნო, რომ ოცი წლის უმოქმედობის შემდეგ, წარმატებით მიმდინარეობს სარწყავი სისტემების რეაბილიტაციის პროექტი“, - განაცხადა კანიაო ვანუემ.

სოფლის მეურნეობის განვითარების საერთაშორისო ფონდის (IFAD) პრეზიდენტის, კანიაო ვანუემს განცხადებით, საქართველოში, 2012 წლიდან, აგრარული დარგის განვითარების მიმართულებით მნიშვნელოვანი ცვლილებები და წინსვლა განხორციელდა.

„პირველ რიგში მაძლობა მინდა გადავუხადო სოფლის მეურნეობის მინისტრს მოწვევისთვის და ხაზგასმით აღვნიშნო, რომ, ეს არის თანამშრომლობის საუკეთესო მაგალითი. ჩვენ მივესალმებით დარგის განვითარების კუთხით თქვენს მიერ გადადგმულ ნაბიჯებს. აღნიშნულიდან გამომდინარე, მივიღეთ გადაწყვეტილება, რომ ინვესტიციების შემდეგი ნაკადი, რომელიც 2016 წელს იწყება, 30 %-ით გაგზარდოს“, - განაცხადა ფონდის პრეზიდენტმა, კანიაო ვანუემ.



სოფლის მეურნეობის განვითარების საერთაშორისო ფონდის (IFAD) პრეზიდენტის, კანიაო ვანუემს ვიზიტის ფარგლებში, შეხვედრა შედგა საქართველოს პრემიერ-მინისტრთან, ირაკლი ღარიბაშვილთან.

შეხვედრაზე საუბარი შეეხო IFAD ურთიერთობების გაღრმავების პერსპექტივებს.

ირაკლი ღარიბაშვილმა მაძლობა გადაუხადა კანიაო ვანუემს საქართველოში განეული საქმიანობისთვის.

მთავრობის მეთაურმა საქართველოს ხელსაყრელ გეოგრაფიულ მდებარეობას გაუსვა ხაზი და აღნიშნა, რომ საქართველო მთიანურა როგორც ე.წ. რეგიონალური ჰაბი, რომელიც ისტორიულად რამდენიმე სახელმწიფოს ერთმანეთთან აკავშირებს.

სურსათის ეროვნული სააგენტოს პრიორიტეტი მომხმარებლის ინტერესების დაცვა



ინტერვიუ სურსათის ეროვნული სააგენტოს უფროსთან, ზაზა დოლიძესთან

„ევროკავშირთან ღრმა და ყოვლისმომცველი თავისუფალი სავაჭრო სივრცის შესახებ“ (DCFTA) შეთანხმების ამოქმედებიდან ერთ წელზე მეტი გავიდა. შეთანხმებით გათვალისწინებული ვალდებულებების მნიშვნელოვანი ნაწილი სურსათის უვნებლობის, ვეტერინარულ და ფიტოსანიტარიულ საკითხებზე მოდის. ბატონო ზაზა, რა ღონისძიებები განახორციელა სურსათის ეროვნულმა სააგენტომ ამ მიმართულებით?

„ევროკავშირთან ღრმა და ყოვლისმომცველი თავისუფალი სავაჭრო სივრცის შესახებ“ შეთანხმების ფარგლებში, ქართული კანონმდებლობის ევროკავშირის კანონმდებლობასთან ჰარმონიზაციის პროცესი, ეტაპობრივად, გვემის მიხედვით მიმდინარეობს. ევროკავშირის სტანდარტების შესაბამისად, შემუშავდა სურსათის ჰიგიენის წესები, სახელმწიფო კონტროლის პროცედურები, ცხოველთა დაავადებებთან ბრძოლის ღონისძიებები, პირუტყვის იდენტიფიკაცია-რეგისტრაციის პროგრამა, შესაფუთი ხის მასალის შესახებ წესები, რამაც საერთაშორისო ვაჭრობის განვითარებას უნდა შეუწყოს ხელი. აღნიშნული სტანდარტების შემოღების მთავარი მიზანი სურსათის უვნებლობის უზრუნველყოფა, ქვეყანაში კეთილსამედო ვეტერინარული და ფიტოსანიტარიული გარემოს შენარჩუნებაა.



ამასთან, სურსათის ეროვნული სააგენტოს პრიორიტეტი მომხმარებლის ინტერესების დაცვაა. ამ მიმართულებით მნიშვნელოვანი ნაბიჯები გადაიდგა. ამოქმედდა სხვადასხვა რეგულაცია. სოფლის მეურნეობის სამინისტროსთან ერთად შემუშავდა და ამოქმედდა რძის და თაფლის ტექნიკური რეგლამენტები. მომავალი წლიდან ძალაში შევა ხორბლის ფქვილის ტექნიკური რეგლამენტი, საჭარო განხილვა მიმდინარეობს ჩაის და პურის რეგლამენტებთან დაკავშირებით. აღნიშნული ღონისძიებები მიზნად ისახავს როგორც ადგილობრივი მომხმარებლის უვნებელი სურსათით უზრუნველყოფას, ასევე საქართველოს საექსპორტო პოტენციალის და ქართული პროდუქციის კონკურენტუნარიანობის გაზრდის ხელშეწყობას.

ახალი რეგულაციების პარალელურად, გააქტიურდა სამომხმარებლო ბაზრის, სასწავლო დაწესებულებების და საზოგადოებრივი კვების ობიექტების კონტროლი. როგორია შედეგები და რა ტენდენცია იკვეთება?

საზოგადოების მხრიდან სამომხმარებლო ბაზარზე კონტროლის გააქტიურებას დადებითი გამოხმაურება აქვს. მნიშვნელოვანია, რომ სურსათის ეროვნული სააგენტოს

ნდობა და ცნობადობა მნიშვნელოვნად არის გაზრდილი. უამრავი ჩვენი მოქალაქე რეკავს სააგენტოს ცხელ ხაზზე და სხვადასხვა სახის დარღვევაზე გვანვდის ინფორმაციას. სააგენტოში შემოსული შეტყობინებების რაოდენობა 46% -ით არის გაზრდილი. ხაზგასმით მინდა აღვნიშნო, რომ შესაბამისი სამსახურებიდან თითოეულ ასეთ შეტყობინებაზე ოპერატიულად რეაგირებენ. მიგვაჩნია, რომ ძალიან მნიშვნელოვანია მოსახლეობასთან ეფექტიანი კომუნიკაცია და მათი ჩართულობა.

რაც შეეხება ტენდენციას, ერთ საინტერესო გარემოებაზე გავამახვილებ ყურადღებას - ყოველწლიურად ინსპექტირების მაჩვენებელი იზრდება. 2014 წელთან შედარებით, 174 %-ით გაიზარდა დოკუმენტური შემოწმებების მაჩვენებელი, თუმცა, დაჭარბებების რაოდენობა მცირდება. 2014 წლის 10 თვეში გადამოწმებული ბიზნესოპერატორების 20% დაჭარბდა. 2015 წლის ანალოგიურ პერიოდში კი, მხოლოდ 10%, რაც ბიზნესოპერატორების ინფორმირებულობის გაზრდას და სააგენტოს ინსპექტორების საქმიანობის გაუმჯობესებამ განაპირობა. დამეთანხმებით, ეს დადებითი ტენდენციაა, რადგან სააგენტოს თვითმიზანი ბიზნესოპერატორის დაჭარბება კი არა, მომხმარებლის უვნებელი სურსათით უზრუნველყოფაა.

განსაკუთრებული ყურადღება ექცევა სასწავლო დაწესებულებებში კვების ობიექტების კონტროლს. სასწავლო წლის დაწყებასთან ერთად, მთელი ქვეყნის მასშტაბით განახლდა სასწავლო დაწესებულებების კვების ბლოკების შემოწმების პროცესი. წლის განმავლობაში შემოწმებულია 900 საბავშვო ბაღი და 300-ზე მეტი სკოლის კვების ობიექტი. ვერ ვიტყვი, რომ მდგომარეობა იდეალურია, თუმცა პროგრესი აშკარაა. სხვადასხვა სახის დარღვევა წელსაც აღინიშნება, თუმცა შარშანდელისგან განსხვავებით, არცერთი შემთხვევა არ ყოფილა კრიტიკული. შარშან სააგენტოს სპეციალისტებმა, არსებული დარღვევების გამო, 4 სკოლის კვების ობიექტი დახურეს.

გააქტიურდა მაღალი რისკის სურსათის და ცხოველთა სასაკლაოების კონტროლიც. მიმდინარე წელს 40% -ით გაიზარდა ვეტერინარული ზედამხედველობით, სასაკლაოებზე დაკლული მსხვილფეხა პირუტყვის ხორცის რაოდენობა. ამასთან, ხორცის ბაზარზე გაზრდილი მოთხოვნის გათვალისწინებით და მომხმარებელთა ინტერესების დაცვის მიზნით, მნიშვნელოვანია, სასაკლაოებმა შესაბამისი სტანდარტები დააკმაყოფილონ. ევროკავშირის სტანდარტებთან დაახლოებისა და სამომხმარებლო ბაზრის უვნებელი სურსათით უზრუნველყოფისთვის, 2016 წლიდან, ცხოველთა სასაკლაოებისთვის სავალდებულოა HACCP-ის (საფრთხის ანალიზისა და კრიტიკული საკონტროლო წერტილების სისტემა) დანერგვა, რომელიც საწარმოში შიდა კონტროლის გაძლიერებას და ჰიგიენის სპეციალური მოთხოვნების დაკმაყოფილებას ითვალისწინებს. ამ მიმართულებით სააგენტო აქტიურად მუშაობს ბიზნესოპერატორებთან და სისტემატიურად ხდება მათი ინფორმირება სიახლეების და ახალი რეგულაციების შესახებ.

როგორც აღნიშნეთ, ერთ-ერთი მთავარი პრიორიტეტი მოსახლეობის უვნებელი სურსათით უზრუნველყოფაა, თუმცა აღნიშნული მიზნის მიღწევა შეუძლებელია ცხოველთა ჯანმრთელობის უზრუნველყოფის გარეშე?

სურსათის ეროვნული სააგენტო მსხვილფეხა და წვრილფეხა პირუტყვის ვაქცინაციას ახორციელებს. უფასო ვაქცინაცია ტარდება ისეთ საშიშ დაავადებებზე, როგორცაა თურქული, ჭილეხი, ცოფი, ყირიმ-კონგო, ცხვრისა და თხის ყვავილი, ნოდულარული დერმატიტი. სოფლის მეურნეობის სამინისტროსთან ერთად, აქტიურად ვთანამშრომლობთ დონორ ორგანიზაციებთან. მიმდინარე წელს, გაეროს სურსათისა და სოფლის მეურნეობის ორგანიზაციასთან (FAO) ერთად, ცხოველთა ჯანმრთელობის დაცვის მსოფლიო ორგანიზაციის (OIE) სტანდარტების შესაბამისად მომზადდა ბრუცელოზთან ბრძოლის მრავალწლიანი სტრატეგია, რომელიც კომპლექსურ ღონისძიებებს ითვალისწინებს, ესენია: მსხვილფეხა საქონლის დიაგნოსტიკური გამოკვლევები, მსხვილფეხა და წვრილფეხა საქონლის პროფილაქტიკური ვაქცინაცია, ვაქცინირებული საქონლის სერომონიტორინგი. სურსათის ეროვნული სააგენტოს მიზანია, მინიმუმამდე შემცირდეს დაავადების გავრცელების



რისკი როგორც ცხოველებში, ასევე ადამიანებში.

ქვეყანაში არსებული ეპიზოოტიური მდგომარეობის ეფექტიანი კონტროლისთვის, მნიშვნელოვანია ცხოველთა აღრიცხვიანობა და მიკვლევადაც. 2012 წლიდან მიმდინარეობს მსხვილფეხა პირუტყვის იდენტიფიკაცია, საყურე ნიშნებით დათავგვა; 2015 წლიდან დაიწყო მონაცემების ერთიან ელექტრონულ ბაზაში განთავსება. უკვე იდენტიფიცირებულია მილიონ ნახევარზე მეტი მსხვილფეხა პირუტყვი. წლის ბოლომდე იგეგმება წვრილფეხა პირუტყვის იდენტიფიკაციის დაწყებაც.

ევროკავშირის ქვეყნებში ექსპორტის განხორციელებისთვის მნიშვნელოვანია მცენარეთა დაცვის შესაბამისი სტანდარტების დაკმაყოფილება. რა ღონისძიებებს ახორციელებს სურსათის ეროვნული სააგენტო ამ მიმართულებით?

ფიტოსანიტარიული კეთილსამედლობის შენარჩუნებისთვის მნიშვნელოვანია ის ღონისძიებები, რომლებიც საშიში საკარანტინო მავნებლების წინააღმდეგ ყოველწლიურად ხორციელდება. წელს იტალიური კალიის სანინალმდეგო ნაშრომა განხორციელდა კახეთის, ქვემო ქართლის, სამცხე-ჯავახეთის რეგიონებში, დამუშავდა 32 000 ჰა ფართობი, მათ შორის, 4 000 ჰექტარი ავიაციის გამოყენებით. განხორციელებული ღონისძიებების შედეგად, შემცირდა განსაკუთრებით საშიში მავნებლის - თეთრი პეპლის გავრცელების არეალი. წელს მავნებლის წინააღმდეგ 300 ჰა ფართობი დამუშავდა, მაშინ როცა, 2012 წელს 42 000 ჰექტრის დამუშავება გახდა საჭირო. ტრანსმისიური დაავადებების გავრცელების პროგრამის ფარგლებში, კოლოს სანინალმდეგო ღონისძიებები გატარდა კახეთის, გურიის, სამეგრელოსა და აჭარის რეგიონებში.

უხვი და ხარისხიანი მოსავლის მისაღებად აუცილებელია ქიმიკატების და პესტიციდების სწორად გამოყენება. გამკაცრებული კონტროლის შედეგად, მიმდინარე წელს იკლო ფალსიფიცირებული, ვადაგასული, არარეგისტრირებული ქიმიკატების რეალიზაციის ფაქტებმა და პესტიციდების არაორგანიზებულმა გაყიდვამ. მოწესრიგდა მარკირება, სანიტარიული ნორმები და შენახვის პირობები, თუმცა ჯერ კიდევ არის ერთეული შემთხვევები, როცა ფერმერები ბაზარზე არსებული დაბალი ხარისხის პრეპარატებთან დაკავშირებით გამოთქვამენ უკმაყოფილებას. არის შხამქიმიკატების არასწორად გამოყენების ფაქტებიც, რაც ასევე ზიანს აყენებს მოსავალს. სურსათის ეროვნული სააგენტოს სპეციალისტები მზად არიან ფერმერებს კონსულტაცია გაუწიონ რა სახის და რაოდენობის ქიმიკატები გამოიყენონ კონკრეტულ შემთხვევებში. მინდა მოსახლეობამ იცოდეს, რომ ვადაგასული პესტიციდების ან ქიმიკატების რეალიზაციის ფაქტების გამოვლენის შემთხვევაში, დაუკავშირდნენ სურსათის ეროვნულ სააგენტოს ცხელ ხაზზე 2 919168 ან მიმართონ სააგენტოს რეგიონულ წარმომადგენლობებს.



დღეის მონაცემებით, საქართველოში 1203 სასოფლო-სამეურნეო კოოპერატივი



ინტერვიუ სასოფლო-სამეურნეო კოოპერატივების განვითარების სააგენტოს თავმჯდომარესთან, გიორგი მიშელაძესთან

სოფლის მეურნეობის განვითარების პროცესში, სასოფლო-სამეურნეო კოოპერაციის განვითარების ხელშეწყობას განსაკუთრებული მნიშვნელობა ენიჭება. 2013 წლის 12 ივლისს ძალაში შევიდა საქართველოს კანონი „სასოფლო-სამეურნეო კოოპერატივის შესახებ“, რომლითაც დადგინდა სასოფლო-სამეურნეო კოოპერატივის შექმნისა და ფუნქციონირების ძირითადი ნორმები. 2013 წლის ოქტომბრიდან კი, ჩამოყალიბდა სასოფლო-სამეურნეო კოოპერატივების განვითარების სააგენტო, რომელიც სასოფლო-სამეურნეო კოოპერატივების სტატუსის მინიჭებას, შეწყვეტას, მონიტორინგსა და სახელმწიფო პროგრამების განხორციელებას უზრუნველყოფს.

სასოფლო-სამეურნეო კოოპერატივი ნებაყოფლობით წევრობაზე დაფუძნებული ორგანიზაციაა, რომლის წევრებიც ენევიან სასოფლო-სამეურნეო საქმიანობას და საერთო ეკონომიკური ინტერესი აერთიანებთ.

კოოპერაცია სამ ძირითად პრინციპს ემყარება:

- ნებაყოფლობითობა - კოოპერატივში გაერთიანება ნებაყოფლობითია
- დემოკრატიულობა - ერთი წევრი, ერთი ხმა.
- დამოუკიდებლობა - კოოპერატივი არის დამოუკიდებელი ორგანო, რომელიც წევრების მიერ კონტროლდება.

სასოფლო-სამეურნეო კოოპერატივების განვითარების სააგენტოს საქმიანობის შესახებ სააგენტოს თავმჯდომარე გიორგი მიშელაძე საუბრობს.

- რა არის საჭირო სასოფლო-სამეურნეო კოოპერატივის შესაქმნელად და რა შედეგებით სარგებლობენ სასოფლო-სამეურნეო სტატუსის მქონე კოოპერატივები?

- სასოფლო-სამეურნეო კოოპერატივის შესაქმნელად, მაღალმთიან რეგიონში მინიმუმ 3, ხოლო საქართველოს დანარჩენ ტერიტორიაზე მინიმუმ 5 ადამიანის საერთო იდეის გარშემო გაერთიანებაა საჭირო. გაერთიანებით დაინტერესებული პირები უნდა დარეგისტრირდნენ საჯარო რეესტრში კოოპერატივის ორგანიზაციული ფორმით, შემდეგ კი, სასოფლო-სამეურნეო კოოპერატივის სტატუსის მისაღებად განცხადებით მოგვმართონ „სასოფლო-სამეურნეო კოოპერატივების განვითარების სააგენტოში“. აქვე აღვნიშნავ, რომ კოოპერატივის წევრი შეიძლება იყოს 18 წელს მიღწეული საქართველოს მოქალაქე, რომელიც უშუალოდ მონაწილეობს ამ კოოპერატივის საქმიანობაში და ფლობს პაის. კოოპერატივის წევრი ასევე შესაძლოა იყოს სასოფლო-სამეურნეო კოოპერატივი.

რაც შეეხება შედეგებს, აღსანიშნავია, რომ მოგების გადასახადით არ იბეგრება სასოფლო-სამეურნეო საქმიანობით მიღებული შემოსავალი (პირველადი წარმოება) და გრანტი. სასოფლო-სამეურნეო კოოპერატივთან დაკავშირებით არ არის დაწესებული მოგების გადასახადის მღვარი წლიური ბრუნვის მიხედვით, რომელიც, მაგალითად, შპს-ს შემთხვევაში 200 000 ლარს შეადგენს. ქონების გადასახადით არ იბეგრება კოოპერატივის ქონება, რომელიც გამოიყენება სასოფლო-სამეურნეო საქმიანობისთვის; არ იბეგრება 5 ჰა-მდე მიწის ფართობი, რომელიც 2004 წლის 31 მარტამდეა შექმნილი, სასოფლო-სამეურნეო საქმიანობისთვის ლიზინგით გაცემული მოძრავი ქონება; სამშენობლო გადასახადით არ იბეგრება კოოპერატივის საქმიანობის ფარგლებში კოოპერატივის წევრების მიერ მიღებული დივიდენდი; სასოფლო-სამეურნეო კოოპერატივები სარგებლობენ ყველა იმ საგადასახადო შედეგებითაც, რომლებიც სოფლის მეურნეობასთან მიმართებაში მოქმედებს.

- დღეის მონაცემებით, რამდენი სასოფლო-სამეურნეო კოოპერატივია რეგისტრირებული საქართველოში?

- 2015 წლის 12 ნოემბრის მონაცემებით, სასოფლო-სამეურნეო კოოპერატივის სტატუსი მინიჭებული აქვს 1203 კოოპერატივს. ყველაზე მეტი, 234 სასოფლო-სამეურნეო კოოპერატივი სამცხე-ჯავახეთშია რეგისტრირებული. რაც შეეხება დანარჩენ რეგიონებს, კახეთში რეგისტრირებულია 93 სასოფლო-სამეურნეო კოოპერატივი, ქვემო ქართლში - 182, მცხეთა-მთიანეთში - 59, შიდა ქართლში - 83, სამეგრელო - ზემო სვანეთში - 103, გურიაში - 65, აჭარის ავტონომიურ რესპუბლიკაში -135, იმერეთში - 112, რაჭა-ლეჩხუმში -100, თბილისში -37. აქვე გეტყვი, რომ კოოპერატივებში გაერთიანებულია 8730 მეპაიე, მათ შორის, 2200 -ზე მეტი ქალბატონია.

ყველაზე დიდი კოოპერატივია „დარჩელის თხილი“, რომელშიც 540 მეპაიეა გაერთიანებული. სახელმწიფო პროგრამის - „თხილის წარმოების განვითარება სასოფლო-სამეურნეო კოოპერაციის ხელშეწყობის გზით“ - ფარგლებში, ზუგდიდის მუნიციპალიტეტის სოფელ დარჩელში აშენდა თხილის სანარმო, რომელიც მოიცავს საშრობსა და სასაწყობო მეურნეობას. სანარმოში შესაძლებელია, ერთდროულად, 24 ტონა ნაჭუჭიანი თხილის გაშრობა და 500 ტონა ნაჭუჭიანი თხილის დასაწყობება. საქართველოს მთავრობის მიერ მიღებულია გადაწყვეტილება სანარმოს კოოპერტივ „დარჩელის თხილისათვის“ გადაცემასთან დაკავშირებით, ხოლო პროგრამით დადგენილი პირობების შესრულების შემთხვევაში, კოოპერატივს უფლება აქვს მოითხოვოს სანარმო ინფრასტრუქტურის პირდაპირი მიყიდვის წესით მისთვის გადაცემა.

- სასოფლო-სამეურნეო კოოპერატივებისთვის განსაზღვრულ გარკვეულ შედეგებზე უკვე ისაუბრეთ, კიდევ რა პროგრამები ხორციელდება სასოფლო-სამეურნეო კოოპერაციისა და კოოპერატივების ხელშეწყობისათვის ?

- მიმდინარე პროგრამაა „მეფუტკრეობის სასოფლო-სამეურნეო კოოპერატივების მხარდაჭერის სახელმწიფო პროგრამა“, რომელშიც რეგისტრაცია სასოფლო-სამეურნეო კოოპერატივებს თბილისში ჩამოუსვლელად, სასოფლო-სამეურნეო კოოპერატივების განვითარების სააგენტოს ვებ-გვერდზე (www.acda.gov.ge) დისტანციურად შეეძლოთ. რეგისტრაციისას პროგრამაში მონაწილეობის მსურველი კოოპერატივი მისთვის სასურველი სკის სახეობას - ხის სკას (რუტი, დადან ბლანტი) ან/და პენოპოლისტიროლს უთითებდა. სახელმწიფო პროგრამის ფარგლებში, მონაწილე კოოპერატივებს მათ ბალანსზე არსებული სკების იდენტური რაოდენობა (არაუმეტეს 100 ცალი) ღირებულების 30%-ად გადაეცემა.

სახელმწიფო პროგრამაში მონაწილე კოოპერატივი ვალდებულია, 2017 წლის 1 იანვრამდე უზრუნველყოს გლობალური სოფლის მეურნეობის საუკეთესო პრაქტიკის საერთაშორისო სტანდარტის (GLOBAL GAP) დანერგვა კოოპერატივის მფლობელობაში არსებულ საფუტკრე მეურნეობაში, ხოლო 2018 წლის 1 იანვრამდე უზრუნველყოს კაპიტალური ინვესტირების ფარგლებში მიღებულ სკებში ფუტკრის ახალი ოჯახების განთავსება. პროგრამაში მონაწილე კოოპერატივები მიიღებენ ტექნიკურ დახმარებას თაფლის ტექნიკური რეგლამენტის ძირითადი მოთხოვნების დანერგვასთან დაკავშირებით. ტექნიკური მხარდაჭერის ფარგლებში, პროგრამაში მონაწილე კოოპერატივს უფლება აქვს საქართველოს სოფლის მეურნეობის ლაბორატორიაში შესამოწმებლად წარადგინოს მის მიერ წარმოებული თაფლის ერთი ნიმუში უსასყიდლოდ.

კიდევ ერთი პროგრამა, რომელსაც სააგენტო ახორციელებს, სასოფლო-სამეურნეო კოოპერატივების მცირე გაბარიტიანი აგროტექნიკით აღჭურვის პროგრამაა. აღნიშნული პროგრამა ითვალისწინებს მცირეგაბარიტიანი აგროტექნიკის (თითოეულ კომპლექტში შედის მოტობლოკის აგროვატი, სათიბი, გუთანა, კულტივატორი და ხელის სათესი) კოოპერატივებისთვის შეღავათიან ფასად, 900 ლარად, გადაცემას. დევნილებისა და ეკომიგრანტების მიერ შექმნილ, ასევე მაღალმთიან, სასაზღვრო, თუ გამყოფი ზოლის მიმდებარე სოფლებში რეგისტრირებულ კოოპერატივებს თითო კომპლექტის შესყიდვისას, დამატებით გადაეცათ 1 ხელის სათესი 1 ლარად; 2014 წლის 1 სექტემბრიდან გამოიცა საქართველოს მთავრობის 5 განკარგულება, რომლის ფარგლებშიც, სასოფლო-სამეურნეო სტატუსის მქონე 544 კოოპერატივის განცხადი დაკმაყოფილდა 1406 აგროკომპლექტითა და დამატებით 217 ხელის სათესით. მიწა აღვნიშნო, რომ მიმდინარე წელს საქართველოს თითქმის ყველა რეგიონის 30-მდე მუნიციპალიტეტში ჩატარდა საგადასახადო კოდექსის პრაქტიკული ტრენინგის სასოფლო-სამეურნეო კოოპერატივებისათვის, რომელიც სასოფლო-სამეურნეო კოოპერატივების განვითარების სააგენტოს ორგანიზებითა და ფინანსური მხარდაჭერით განხორციელდა. მასში მონაწილეობა კოოპერატივების 400-მდე წარმომადგენელმა მიიღო. ტრენინგის ფარგლებში; მათ მიიღეს ინფორმაცია სასოფლო-სამეურნეო კოოპერატივების მიერ განხორციელებული სამეურნეო ოპერაციებიდან წარმოქმნილი გადასახადების, მათი გაანგარიშების, დეკლარირებისა და გადახდის წესების შესახებ; გაეცნენ საგადასახადო კანონმდებლობით გათვალისწინებულ შედეგებს; შეისწავლეს პირველადი საგადასახადო დოკუმენტაციის შედგენა; სასაქონლო-მატერიალური ფასეულობების აღრიცხვა-ჩამოწმება და საგადასახადო კანონმდებლობით გათვალისწინებული სხვა საკითხები. აღნიშნულ ტრენინგს ფინანსთა სამინისტროს აკადემიის ტრენერები უძღვებოდნენ.

- რას გულისხმობს სასოფლო-სამეურნეო კოოპერატივის შესახებ კანონში განხორციელებული ცვლილებები?

- ცვლილებები საქართველოს პარლამენტმა მესამე, საბოლოო მოსმენით მიიღო. კანონში შემოღების დამატებითი საპილო შენატანისა და კოოპერაციული შემოსავლის ცნებები. დაწესდება შემზღვევა არაწევრებისგან წარმოებული სასოფლო-სამეურნეო პროდუქციის შესყიდვასთან და მომსახურების განწვევასთან დაკავშირებით, კერძოდ, ერთი საანგარიშო წლის განმავლობაში, არაწევრებისგან მიღებული პროდუქციის/მომსახურების ღირებულება არ უნდა აღემატებოდეს კოოპერატივის წლიური სასოფლო-სამეურნეო სასაქონლო ბრუნვის 30%-ს. ამასთან, განისაზღვრა დივიდენდისა და სასოფლო-სამეურნეო კოოპერატივის სარეზერვო ფონდში არსებული თანხის განკარგვის წესები. მეპაიეთა რეესტრის სავალდებულო წარმოების წესი დადგინდება სოფლის მეურნეობის მინისტრის ბრძანებით.

ცვლილებები ასევე შედის „მენარმეთა შესახებ“ და „გრანტის შესახებ“ საქართველოს კანონებში. „გრანტის შესახებ“ საქართველოს კანონში ცვლილებით, სასოფლო-სამეურნეო კოოპერატივების განვითარების სააგენტოს მიენიჭება გრანტის გაცემის უფლება. აღნიშნული ცვლილებები ხელს შეუწყობს კოოპერატივსა და მეპაიეებს შორის წარმოშობილი სანარმო ურთიერთობების დარეგულირებას, ასევე, სასოფლო-სამეურნეო კოოპერატივის გამართული მოდელის შექმნას..

უნდა გვჭეროდეს ხვალინდელი დღის და გვიყვარდეს საქმე, რომელსაც ვაკეთებთ



ნონა ქოზაშვილი შპს „მექანიზატორის“ კომბაინერი

მე, ნონა ქოზაშვილი, ახალციხის რაიონის სოფელ „ფერსაში“ ვცხოვრობ. განათლებით აგრონომ-ტექნოლოგი ვარ. მედის პროფესიასაც დავუფლავ. დედა მყავს სამედიცინო დარგის მუშაკი და მინდოდა მეც მედიცინის სამსახურში ვყოფილიყავი, სამწუხაროდ, სამსახური ვერ ვიპოვე. ცდა არ დამიკლია, უამრავ ადგილას ვეძებდი, მაგრამ არ გამიმართლა. მიუხედავად არაერთი წარუმატებელი ცდისა, ფარ-ხმალი არ დამიყრია. მარტოხელა დედა ვარ და უფლება არ მქონდა ხელი ჩამეყენია. არ გავტყდი, არ დავეცი, ყოველთვის წინ ვიყურები და უკან დახევა არ მჩვევია, რაც სიძნელეების გადალახვაში მეხმარება.. და ალბათ სწორედ ამიტომ დღეს შპს „მექანიზატორის“ კომბაინერი ვარ.

როგორ მოხვდი შპს „მექანიზატორში“?

ერთ-ერთ ინტერნეტ გამოცემაში წავიკითხე, რომ მთელი საქართველოს მასშტაბით შპს „მექანიზატორის“ სერვისცენტრები იხსნებოდა. გამოცხადდა ვაკანსიები, მივედი

გასაუბრებამე, ოფისის მენეჯერის პოზიციის დაკავება მინდოდა. სამწუხაროდ, ამ პოზიციამ ვერ მოვხვდი, მაგრამ... კომპანია „მექანიზატორი“ კომბაინების შექმნას აპირებდა... გავიარე ყველა საჭირო პროცედურა, ტრენინგები და გავხდი კომბაინერი. მართალია დედსავით მედიცინის დარგის მუშაკი ვერ გავხდი, მაგრამ გარდაცვლილი მამის გზა გავაგრძელე, რომელიც პროფესიით მექანიზატორი იყო და წლების განმავლობაში სოფლის მეურნეობის დარგს ემსახურებოდა. დღევანდელი გადმოსახედიდან ვთვლი, რომ სწორი არჩევანი გავაკეთე, ბევრი ჩემი თანამემამულის მსგავსად, სამსახურის საძებნელად სამშობლოდან შორის არ წავედი, დავრჩი აქ და დღეს, ერთი შეხედვით, ქალისთვის შეუფერებელი, მაგრამ დასაფასებელი და საინტერესო საქმით ვარ დაკავებული... დღეს შპს „მექანიზატორის“ თანამშრომელი ვარ.

უკვე 4 წელია კომბაინის ოპერატორად ვმუშაობ. საწყის ეტაპზე ადვილი ნამდვილად არ იყო, მაგრამ ეს სირთულეებიც დავძლიე. თავიდან საჭესაც კი ვერ ვტოვებდი თავდაჭერებულად, რადგან კომბაინის მართვის სპეციფიკა სრულიად განსხვავებულია. თუმცა, მოვინდომე და მალე დავეუფლე კომბაინის მართვას, ჩემს კოლეგებს სტაჟიანი კომბაინერიც კი ვეგონე (იცინის). თავიდან ფერმერები და გლეხებიც კი ეჭვის თვალით მიყურებდნენ, მაგრამ ძალიან მალე ეს სტერეოტიპი დავამსხვრიე, ყველა დარწმუნდა, რომ მნიშვნელობა არ აქვს ქალი ხარ თუ ვაჟი, მთავარია შენი საქმე იცოდეს და გვიყვარდეს. მთელ გულსა და სულს ვდებ ჩემს საქმეში, თამამად შემიძლია ვთქვა, რომ პროფესიულ დონეზე ვასრულებ ჩემზე დაკისრებულ სამუშაოს. როგორც ქალი, არასდროს ვსარგებლობ პრივილეგიებით. წელს კახეთის რეგიონში ვიყავი მივლინებით, სადაც ღამის 2 საათამდეც კი მიმუშავია იმისათვის, რომ მოსახლეობას არ დაგვიანებოდა მოსავლის აღება და დაბინავება.

სადაც არ უნდა ვიყო, იქნება ეს სამუშაო კაბინეტი თუ კომბაინის კაბინა, არასოდეს მავინწყდება, რომ ქალი ვარ და, შესაბამისად, ყოველთვის მოწესრიგებული უნდა ვიყო, მიუხედავად იმისა, რომ, არც თუ იშვიათად, კომბაინის დასუფთავება და მარტივი ტექნიკური ნაწილების შეცვლაც კი მინევს.

მინდა ყველა ქალბატონს უფლის წყალობა ვუსურვო. უპრობლემო ცხოვრება არ არსებობს. არასდროს უნდა ჩამოვუშვათ ხელები, გვჭეროდეს ხვალინდელი დღის და გვიყვარდეს ის საქმე, რომელსაც ვაკეთებთ.

ნონა ქოზაშვილს 2 ნომბერს 39 წელი შეუსრულდა.

ჯანმრთელობას, წარმატებასა და წინსვლას ვუსურვებთ ქალბატონ ნონას!



ქართული ღვინის წარმატება ჰონგ-კონგის საერთაშორისო გამოფენაზე



ჰონგ-კონგის ღვინისა და სპირტიანი სასმელების საერთაშორისო გამოფენაზე - „HK-TDC - Hong Kong International Wine and Spirits Fair 2015“ - კომპანიის „კახური ღვინის მარანი“ ღვინომ „საფერავი 2011“ ორი უმაღლესი ჯილდო - გრანპრი ნომინაციაში „საუკეთესო რეგიონალური ღვინო აღმოსავლეთ ვეროპაში“ და ოქროს მედალი მოიპოვა. ბრინჯაოს მედლით დაჯილდოვდა ამავე კომპანიის ღვინო „მუკუზანი 2011“.

საქართველოს სოფლის მეურნეობის მინისტრის მოადგილის, ლევან დავითაშვილის განცხადებით, ქართული ღვინის საერთაშორისო ბაზარზე პოპულარიზაციისთვის უმნიშვნელოვანესია მაღალი კლასის საერთაშორისო გამოფენებში მონაწილეობა და გამარჯვება.

„ჩვენ აქტიურად ვმუშაობთ ახალი ბაზრების დივერსიფიკაციის მიმართულებით, რისთვისაც უმნიშვნელოვანესია ქართული პროდუქციის ცნობადობის ამაღლება და პოპულარიზაცია. ქართულ პროდუქციას და, გამორჩეულად ქართულ ღვინოს აქვს პოტენციური ღირსეული ადგილი დაიმკვიდროს მსოფლიო ბაზარზე. ხაზგასმით მინდა აღვნიშნო, რომ აქტიურად ხორცილდება ღვინის ხარისხის კონტროლი, რაც მინიმუმამდე ამცირებს ფალსიფიკაციას და უზარსიხო პროდუქციის მოხვედრის შესაძლებლობას როგორც ადგილობრივ, ასევე საერთაშორისო ბაზარზე“, - განაცხადა ლევან დავითაშვილმა.



აგროგაომოფენა



სოფლის მეურნეობის, კვების მრეწველობის, გადამამუშავებელი და შემფუთველი ტექნოლოგიების მე-15 საერთაშორისო გამოფენა
15th International Exhibition for Agro, Food and Drink Products, Packaging and Processing Equipment

agro/food/drink/tech
E X P O

18-20 ნოემბერი 2015
November

პავილიონები 5,6,11 და გარე სივრცე, 11:00-18:00
Hall 5,6,11 and Outdoor Space, 11:00-18:00

თბილისი, საქართველო
Tbilisi, Georgia

გამოფენების ცენტრი "ექსპო ჯორჯია" | Exhibition Center ExpoGeorgia
ა.წერეთლის გამზ. 118, თბილისი | 118 A.Tsereteli Ave., Tbilisi

Tel: 995 32 2341100

www.agroexpo.ge

ორგანიზატორი:
Organized by:



მხარდამჭერი:
Supporter:



თურქეთის ნაციონალური
მონაწილეობა:
Turkish National Participation:



მედია მხარდამჭერი:
Media Partner:





დაუშვებელია ნიადაგის სუბსტრატის გამოშრობა. მეორე წლის შემოდგომაზე ფეიჰოსას დაფესვიანებული ნერგი აღწევს 35-45 სმ. სიმაღლეს და ვარგისია მუდმივ ადგილზე დასარგავად.

ნერგებით პლანტაციის გაშენება შესაძლებელია შემოდგომაზე 15 სექტემბრიდან ნოემბრის ბოლომდე, გაზაფხულზე პირველი მარტიდან აპრილის ბოლომდე.

პლანტაციის გაშენების მეორე წელს უნდა ჩატარდეს დალუპული, ან მექანიკურად ძლიერ დაზიანებული მცენარეების ახლით შეცვლა იგივე ჯიშებით.

ფეიჰოსას პლანტაციის ბანოყიერება

ორგანული სასუქებიდან სრულმსხმოიარე ნარგობაში შეიტანება ნაკელი და ტორფოკომპოსტი 20-40კგ ერთ ხეზე. მინერალური სასუქებიდან გამოიყენება ამოტყავა ამონიუმი (გვარჯილა) 33-34%, გოგირდმუავა ამონიუმი (21-22%) და კალიუმის მარილი (35-40%).

ფოსფორიანი და კალიუმისანი სასუქები შეიტანება ნარგვის სახით შესაბამისი დოზების დაცვით, შეტანა ხდება შემოდგომით, ან ადრე გაზაფხულზე, შტამბის ირგვლივ მსუბუქი გადაბარვის დროს.

აზოტიანი სასუქები შეიტანება ორ ვადაში: 60% გაზაფხულზე გადაბარვისთანავე, ხოლო 40% ყვავილობის შემდეგ არა უგვიანეს 10-15 ივლისისა.


ფეიჰოსას მარცვლები, დაავადებები და მათ წინააღმდეგ ბრძოლის ღონისძიებები

ნერგების ნარმოების პროცესში სასათბურე პირობებში აღმონაცენებს აზიანებს: მახრა, ხვატარი, ნემატოდა, თრიფსი, ღრატა, ბუგრები. დაავადებებიდან განსაკუთრებით საშიშია სამხრეთული სკლეროციული სიდამპლე, რომლის სოკო მიცელიუმი იჭრება ნათესარის ქსოვილებში და იწვევს ფესვის ყელის ლპობას. ასევე ფუზარიოზი ჭარბი ტენისა და მაღალი მუავიანობის პირობებში იწვევს ნერგების ფესვებისა და კალმებზე ნარმოქმნილი კალიუსის ლპობას.

მავნებლების წინააღმდეგ სანერგეში თესვისა და კალმების დარგვის წინ ანარმოებენ პექსაქლორანის შეტანას 5-8სმ სიღრმეზე. ფიტოპათოგენური სოკოორგანიზმების წინააღმდეგ კი საჭიროა ნიადაგის წინასწარ დეზინფექცია 2-3%იანი კარბატონის სამუშაო ხსნარით.

ნაყოფმსხმოიარე ფეიჰოსას პლანტაციებში მავნებლებიდან გვხვდება აბლაბუდიანი და ბენვიანი ტკიპა, ფარიანები და ცრუფარიანები, ავადმყოფობებიდან: ყვავილებისა და ნასკვების ნაცრისფერი სიდამპლე, ფოთლების ყავისფერი და ნაცრისფერი ლაქიანობა. მავნებელ დაავადებათა წინააღმდეგ საჭიროა სანიტარულჰიგიენური და პროფილაქტიკური ღონისძიებების ჩატარება. ბრძოლის ქიმიური მეთოდებიდან გამოიყენება სპილენძის ქლორჟანგის 0.4%-იანი ან სილსაქსილის სამუშაო ხსნარით შენამვლა ვეგეტაციის დაწყებამდე და ნაყოფების გამოწვევის შემდეგ.

ნაყოფის კრეფა და რეალიზაცია ფეიჰოსას პლანტაცია მსხმოიარობაში შედის გაშენების მეოთხე, მეხუთე წელს, ნაყოფი მნიფდება ოქტომბერ-ნოემბერში და მომწიფებისთანავე იწყებს ჩამოცვენას. ფეიჰოსას ნაყოფი ვერ ეგუება შენახვას, თუმცა სპეციალურ სამაცივრო დანადგარების პირობებში, მისი შენახვის პერიოდი შესაძლებელია გახანგრძლივდეს.



www.moa.gov.ge

ფეიჰოსას აგროტექნოლოგია



კულტურის ზოგადი დახასიათება

ფეიჰოა (Feijoa sellowiana) საუკეთესო ხარისხის, გემრიელსა და არომატულ ნაყოფს იძლევა, რომელიც გამოიყენება როგორც ნედლი ასევე დაკონსერვებული სახით. ფეიჰოსას ნაყოფი შეიცავს ორგანიზმისათვის ადვილად შესათვისებელ იოდს, რაც მას განსაკუთრებულ სამკურნალო თვისებებს ანიჭებს. ფეიჰოსას მნიფე ნაყოფი შეიცავს: მშრალ ნივთიერებას 30.7-40.3%, შაქრებს 8.212.5%, სიმუავს 2.3-3.1%.

ფეიჰოსას სამშობლო სამხრეთ ამერიკაა (ბრაზილია, პარაგვაი, ურუგვაი, არგენტინა), სადაც ის ტროპიკულ ტყეებში მარადმწვანე ბუჩქებად იზრდება. საქართველოში ის 1900 წელს შემოიტანეს და დარგეს სოხუმის და ბათუმის ბოტანიკურ ბაღებში.

ფეიჰოა საკმაოდ ყინვაგამძლე და გვალვაგამძლე მცენარეა. ვერ იტანს ბაფხულის გახანგრძლივებულ ნალექებსა და მაღალ შეფარდებით ტენიანობას, განსაკუთრებით ყვავილობის პროცესში (ივნისი-ივლისი). ასეთ შემთხვევაში აქტიურად ვითარდება ყვავილებისა და ნასკვების ნაცრისფერი სიდამპლე, რის გამოც ადგილი აქვს ნასკვების მასიურ ცვენას. საქართველოში

ფეიჰოსასათვის საუკეთესო აგროკლიმატურ ზონად აფხაზეთი, სამეგრელო და კოლხეთის დაბლობის (აბაშა, სენაკი, ლანჩხუთი, ფოთი, ხობი) რეგიონები მოიაზრება. რაც შეეხება აჭარა-გურიის რეგიონებს აქ ფეიჰოსას ზრდისთვის ყველაზე კარგი პირობებია, თუმცა მაღალი ტენიანობის გამო, მოგიერთ წლებში მსხმოიარობა დაბალია, თუ დროზე არ ჩატარდა ყვავილების ლპობის საწინააღმდეგო ბრძოლის ქიმიური ღონისძიებები.

ამჟამად კულტურაში გვხვდება ფეიჰოსას შემდეგი ფრანგული ჯიშები: ანდრე, ბესონი, პერე. კალიფორნიული ჯიშებიდან ჩვენში გავრცელდა: ჩოსიანა, სუპერმა და კულიჯი. ეს ჯიშები სელექციურია.

ფეიჰოსას ჯიშობრივი შემადგენლობის აუცილებრივ ცოდნას ფერმერებისათვის აქვს შემდეგი დატვირთვა:

1. მათ საკარმიდამო ნაკვეთებზე გააშენონ მხოლოდ მაღალმოსავლიანი, უხვადმსხმოიარე მცენარეები.
2. ნაყოფის სიმწიფის პერიოდების მიხედვით გასაშენებლად შეარჩიონ როგორც საადრეო, ისე საგვიანო ჯიშები.
3. მცენარეთა დამტვერიანების თავისებურებებიდან გამომდინარე სწორად შეარჩიონ თვითდამამტვერიანებელი ჯიშები, ხოლო ჯვარედინდამამტვერიანებელი ჯიშების შემთხვევაში გაითვალისწინონ ნარგობაში დამამტვერიანებელი ჯიშების დარგვა.

ფეიჰოსას გამრავლება არსებობს ფეიჰოსას გამრავლების ორი წესი: გენერაციული (თესლით) და ვეგეტატიური (კალმებით, გადანვნით). გამრავლების ყველაზე ადვილ წესად მიჩნეულია თესლით გამრავლება.

თესლით გამრავლებისას წინასწარ ორი-სამი წლით ადრე შეირჩევა მაღალმოსავლიანი, კარგი კომერციული ნიშანთვისების მქონე სადედე ხეები, რომლებიც თვით-

დამტვერვით მსხმოიარობენ. სადედე ხეებიდან ნაყოფებს იღებენ სრული სიმწიფის სტადიაში. უმჯობესია თავისთავად ჩამოცვენილი მსხვილი ნაყოფები. შეგროვლ ნაყოფებს ათავსებენ სარდაფში 10-15 დღით, თესლის კარგად მომწიფების მიზნით. თესლის დასამზადებლად ნაყოფი იჭრება სიგრძეზე, რბილობიდან ფრთხილად იღებენ თესლის მასას და ათავსებენ მინის ქილაში. ასხამენ სუფთა წყალს და ტოვებენ 5-7 დღის განმავლობაში დუღილის დაწყებამდე. ადუღებულ მასას ურევენ მინის წვირს სანამ თესლი არ გამოწვევისუფლდება რბილობის ძირითადი მასისაგან.

ფეიჰოსას თესლწმენვის ბანოყიერება

თესლწმენვა გამოყავთ ორანჟერიაში ან კვალსათბურში. ორანჟერიაში თესლი ითესება ხის ყუთებში (70x70 15სმ), ყუთების ფსკერზე იყრება ქვიშა დრენაჟისთვის 2-3სმ. სისქით, შემდეგ კი ყუთები ივსება ნიადაგის ხელოვნური ნარევით. სუბსტრატად იყენებენ წითელმიწა ან ალუვიური ტიპის ნიადაგს, გადამწვარ ნაკვალს და მდინარის სილას 2:1:1-ზე შეფარდებით. დასათესად გამზადებულ ყუთებში ყოველი 4-5 სმ-ის დაცილებით გაყავთ 2-3 მმ. სიღრმის კვლები. კვლებში ყოველ 1სმ-ზე ითესება თესლი. ზემოდან ეყრება 2-3მმ-სისქით გაცრილი მიწა, ფრთხილად იტკუნება და ირწყვება პულვერიზატორით. ორანჟერიაში თესლის თესვის ვადაა 15 დეკემბრიდან 1 თებერვლამდე, კვალსათბურებში 15 მარტიდან 5 აპრილამდე. თესლის კარგად აღმოცენების მისაღებად ორანჟერიაში და კვალსათბურებში ჰაერის ტემპერატურა უნდა იყოს 22-25°C, აღმოცენების პერიოდი გრძელდება 20-25 დღეს, აღმოცენების უნარი 50-60% შეადგენს.

გადარგვის დროს ფეიჰოსას ნათესარის ფესვი 1/3-ით იკვეცება და პარკში ფრთხილად ირგვება 10-12 სმ-ის სიღრმეზე. გადარგვის შემდეგ ტარდება მორწყვა. ზრდის დაწყებამდე მიზანშეწონილია ნერგების დაჩრდილება მზის ანვისაგან დასაცავად. გაზაფხულზე დაფესვის პერიოდში თესლწმენვა 3-4 ჯერ ირწყვება ამონიუმის გვარჯილის 0.3-0.5%-იანი ხსნარით. აზოტიანი წყალხსნარით მორწყვის შემდეგ ხდება მცენარეების სუფთა წყლით ხანმოკლე მორწყვა.

ვეგეტატიური გამრავლება ფეიჰოსას მაღალმოსავლიანი ერთგვაროვანი პლანტაციების მისაღებად მიმართავენ ვეგეტატიურ გამრავლებას მწვანე კალმების დაფესვიანებით. კალმების აჭრის ოპტიმალური ვადა 15 აგვისტოდან 15 სექტემბრამდეა. კალმებს ჭრიან 8-10 სმ. სიგრძის 5-6მმ. სიმაღლის 2 ზედა ფოთლით. დაკალმება ნარმოებს ორანჟერიაში ან კვალსათბურებში. სუბსტრატად ვარგისია წითელმიწა ნიადაგისა და ფრეზირებული ტორფის ნარევი 3:1 თან შეფარდებით. გადასახურად უმჯობესია რძისებრი პოლიეთილენის ფირი. დაკალმება ხდება რიგთაშორის 10სმ. ხოლო რიგში კალმებს შორის 4-5სმ. დაშორებით, 3-4სმ. სიღრმეზე. დაფესვიანების ოპტიმალურ ტემპერატურას ნარმოადგენს : გრუნტში 20-22°C, კარკასის შიგნით ჰაერში 23-24°C. მორწყვა ტარდება პულივიზატორით, ფოთლების შენამვამდე. დაუშვებელია კალმების ჭარბი მორწყვა, ასევე